



Ciorclán 0058/2014

Chuig: Na hÚdaráis Bainistíochta i mBunscoileanna, i Meánscoileanna, i bPobalscoileanna agus i Scoileanna Cuimsitheacha agus Príomhfheidhmeannaigh Bhoird Oideachais agus Oiliúna

Cur i bhFeidhm Chlásal 2.31 de Chomhaontú Bhóthar Haddington – scálaí pá agus liúntais leasaithe do dhaoine a earcaítear trí iontráil dhíreach chuig gráid áirithe

Cúntóirí Riachtanas Speisialta

Is é seo an leagan leasaithe den Imlitir 0058/2014 do leasú an rátaí páirtaimseartha in aghaidh na huaire do Chúntóirí Riachtanas Speisialta agus ionadaítear leis seo an leagan de Chiorclán 0058/2014 a foilsíodh an 11 Iúil 2014

Intreoir:

1. Is é is cuspóir leis an gCiorclán seo, Príomhfheidhmeannaigh sna BOO agus Cúntóirí Riachtanas Speisialta (CRS) a chur ar an eolas faoi na hathruithe ar thuarastail na CRS mar thoradh ar Chlásal 2.31 de Chomhaontú Bhóthar Haddington.
2. Baineann Clásal 2.31 le scálaí pá d'iontrálaithe nua agus is é atá molta ann go dtabharfar faoin éagothroime idir na daoine a tháinig isteach sa tseirbhís phoiblí i ndiaidh an 1 Eanáir 2011, i.e. gráid PNT (Plean Náisiúnta Téarnaimh) d'iontrálaithe nua agus dóibh sin a tháinig isteach roimh an dáta seo.

Scálaí Pá Incriminteacha Leasaithe:

3. Tá foráil ann le go n-ullmhófar scálaí pá incriminteacha leasaithe le haghaidh iontrálaithe atá ar an ngrád céanna.

4. Feidhmeoidh na rátaí athbhreithnithe pá le héifeacht ó 1 Samhain 2013. Dá réir, tá leagtha amach sa Chiorclán seo (in Aguisín 1) na rátaí leasaithe a bhainfidh leis na CRSanna ar coigeartaíodh iad roimhe seo faoi Chiorclán 41/2011
5. Ba cheart pá na n-oibríthe páirtaimseartha a leasú mar arb iomchuí trí thagairt a dhéanamh do phá na n-oibríthe comhfhreagracha lánaimseartha lena mbaineann siad chun críche tuarastail.
6. Bainfidh an scála pá incriminteach leasaithe le gach CRS lena n-áirítear earcaigh úra ag na gráid bhainteacha. Is amhlaidh nach ndéanfar, áfach, leis an scála pá nua, aon athrú, beag nó mór, ar rátaí pá na mball foirne a ceapadh roimh an 31 Nollaig 2010 ná na ndaoine a ceapadh i ndiaidh an dáta seo ach nach raibh faoi réir théarmaí Ciorclán 41/2011.
7. Ní mór a shonrú i gcás fostaithe sa tseirbhís phoiblí (de réir an tsainmhínithe atá leagtha amach san Acht Um Bearta Airgeadais Éigeandála ar Mhaithe le Leas an Phobail, 2009) atá fostaithe go buan nó ar bhonn sealadach sa tSeirbhís Phoiblí ar nó roimh an 31 Nollaig 2010 (lena n-áirítear na hoibríthe sin atá ar bhriseadh faofa seirbhíse, ar saoire, atá sannta do nó ar iasacht ar bhonn sealadach ag fostóir eile), nach gcaithfear leo mar cheapaithe úra. Sna cásanna seo, cuirfear an t-oibrí ar an scála iomchuí ó bhí roimh an 1 Eanáir 2011 ann agus beidh aon liúntais cheadaithe, agus aon chreidmheas incriminteach incheadaithe le haghaidh seirbhís roimhe sin agus taithí eile a meastar í a bheith ábhartha, inbhronnta.
8. Ní bheidh feidhm leis an eisiámh seo, áfach, ach amháin sa chás go mbeadh an duine á earcú chuig an ngrád, an ról nó an bpost céanna nó chuig grád, ról nó post analógach leis an bhfostaíocht seirbhís phoiblí a bhí aige/aici roimhe sin, pé acu buan nó sealadach an fhostaíocht sin. Mar shampla, fanfaidh duine a bhíodh fostaithe roimhe mar Ghrád III, ag a raibh ansin tréimhse gan aon fhostaíocht sa tseirbhís phoiblí agus a athfhostaítear mar Ghrád III ar an scála bainteach ó bhí roimh Eanáir 2011 ann. Dá dtarlódh sé, áfach, i ndiaidh na chéad tréimhse fostaíochta mar Ghrád III, go bhfaigheadh an duine sin conradh buan fostaíochta mar Chúntóir Riachtanais Speisialta (CRS), bheadh an ráta leasaithe pá le haghaidh CRS i ndiaidh an 1 Eanáir 2011 i bhfeidhm.
9. Sa chás go mbeadh amhras ann mar gheall ar chás áirithe maidir le cé acu atá grád analógach nó nach bhfuil agus/nó cé acu ba cheart nó nár cheart duine a chur ar scála pá an 1 Samhain 2013, ba cheart don fhostóir teagmháil a dhéanamh leis an Roinn seo le soiléiriú a lorg. Ba cheart sonraí a chur ar fáil maidir le haon fhostaíocht sa tseirbhís phoiblí a bhí ag an duine roimhe m.sh. grád, eagraíocht, scála pá agus dátaí fostaíochta

10. Tá Ciorcláin 41/2011 tarraingthe siar.

Asamhlú na foirne reatha leis na scálaí leasaithe pá seo:

11. Déanfar CRSanna a bhí faoi réir rátaí pá laghdaithe 2011, a asamhlú isteach sa scála pá incriminteach leasaithe le héifeacht ón 1 Samhain 2013.

12. I gcás bhunús na CRSanna, ciallaíonn sé seo gur cheart earcaigh úra a fostaíodh idir an 1 Eanáir 2011 agus an 31 Deireadh Fómhair 2013 a bhí faoi réir théarmaí na teorach a thug an Roinn roimhe seo in 2011 a asamhlú isteach sna scálaí leasaithe ar bhonn pointe go pointe m.sh. ba cheart duine a bhíodh ar phointe 1 de scála pá an 1 Eanáir 2011 (scála PNT) a asamhlú go dtí pointe 1 de scála pá an 1 Samhain 2013.

Earcú/Ceapaithe Úra:

13. Ní mór a shonrú gurb é polasaí an Rialtais i gcónaí é go dtosóidh ceapaithe nua chuig **aon ghrád ar bith** ag an bpointe íosta ar an scála. D'fhéadfadh sé, áfach, go mbeadh an creidmheas incriminteach, aon áit arb iomchuí, fós i bhfeidhm le haghaidh seirbhís ábhartha aitheanta.

14. Ní mór chomh maith daoine a athfhostaítear sa tSeirbhís Phoiblí, i ndiaidh dóibh bheith imithe ar scor ón bhfostaíocht a bhí acu roimhe sa tSeirbhís Phoiblí, a chur isteach ag an bpointe íosta den scála pá.

15. Ní mór go sonrúfaí go fóill i ngach fógra comórtais, i ngach fógra agus i ngach leabhrán faisnéise amach anseo, i gcás daoine a bheidh ag teacht isteach i ngrád earcaíochta den chéad uair, gur ag an íospointe den scála nua laghdaithe a bheidh an tuarastal tosaigh. Ní mór go sonrúfaí chomh maith ina leithéid d'fhógraí agus de leabhráin, go bhféadfadh sé go ndéanfaí ráta an luacha saothair a choigeartú ó am go chéile i gcomhréir le polasaí pá an Rialtais.

16. Níor cheart d'aon Chomhlacht Seirbhís Phoiblí aon ghealltanais, bíodh sé foirmeálta nó neamhfhoirmeálta, a thabhairt d'iarrthóir gurbh fhéidir an scála pá bainteach a bheith inchaibidle ná níor cheart go dtabharfaí a leithéid de ghealltanais thar a gceann.

Cúrsaíocht:

17. Iarrtar ort a chinntiú go soláthrófar cóipeanna den Chiorclán seo don Bhord Bainistíochta/Bhord Oideachais agus Oiliúna agus go dtabharfar a ábhar d'aire gach CRS agat lena n-áirítear na daoine sin a bhfuil cead neamhláithreachta acu.

18. Is féidir teacht ar an gCiorclán seo ar shuíomh gréasáin na Roinne faoi faoi <http://www.education.ie> .

Ba cheart aon cheisteanna maidir leis an gCiorclán seo a chur chuig an bhfostóir iomchuí ar an gcéad ásc. Ba cheart d'aon fhostóir ag a mbeadh ceist maidir leis an gCiorclán seo, an cheist sin a chur trí ríomhphost amháin chuig an seoladh tiomnaithe ríomhphoist seo a leanas:

ESR@education.gov.ie

Padraig Maloney
An Rannóg Párolla
11 Iúil 2014

Philip Crosby
Caidreamh Foirne Seachtrach
11 Iúil 2014

Aguisín 1

Cúntóirí Riachtanas Speisialta

	1/1/10	Earcaigh Úra arna Athbhreithniú 1/11/2013
Cúntóirí Riachtanas Speisialta (Cúram Leanai)	€ 23,188	€ 21,359
	€ 24,277	€ 22,826
	€ 25,362	€ 23,188
	€ 26,452	€ 24,277
	€ 27,542	€ 25,362
	€ 28,626	€ 26,452
	€ 29,683	€ 27,542
	€ 30,738	€ 28,626
	€ 31,800	€ 29,683
	€ 32,857	€ 30,738
	€ 33,919	€ 31,800
	€ 35,919	€ 32,857
		€ 33,919
		€ 35,919
Breisiú fadseirbhíse le héifeacht ó 1/4/2000	€ 37,339	€ 37,339

	1/1/10	Earcaigh Úra arna Athbhreithniú 1/11/2013
Cúntóirí Riachtanas Speisialta	€ 13.89	€ 12.79
Rátaí páirtaimseartha in aghaidh na huaire	€ 14.54	€ 13.67
	€ 15.19	€ 13.89
	€ 15.84	€ 14.54
	€ 16.49	€ 15.19
	€ 17.14	€ 15.84
	€ 17.78	€ 16.49
	€ 18.41	€ 17.14
	€ 19.04	€ 17.78
	€ 19.68	€ 18.41
	€ 20.31	€ 19.04
	€ 21.51	€ 19.68
	€ 22.36	€ 20.31
		€ 21.51
		€ 22.36